

中國文化經典

史學叢書

史

記

札

記

世界書局

清郭嵩燾撰

史記札記

六卷

目錄一卷

序一卷

世界書局

史記札記 / (清) 郭嵩燾撰.

--二版.--臺北市：

世界, 2009.09 印刷

面；公分（中國文化經典，史學叢書）

ISBN 978-957-06-0369-9（平裝）

1. 史記 2. 研究考訂

610.11

98017533

〈中國文化經典 史學叢書〉

史記札記

621-
1143

著者 / (清) 郭嵩燾撰

發行人 / 閻初

發行者 / 世界書局股份有限公司

登記證 / 行政院新聞局局版臺業字第〇九三二號

地址 / 臺北市重慶南路一段九十九號

電話 / (〇二) 一三三一—一三八三四

傳真 / (〇二) 一三三一—一七九六三

網址 / www.worldbook.com.tw

劃撥帳號 / 〇〇〇五八四三七 世界書局

出版日期 / 二〇一〇年一月二版二刷

定價 / 台幣五〇〇元

◎版權所有・翻印必究

史記札記六卷目錄一卷序一卷清郭嵩燾撰

漢書窺管十卷目錄一卷自序一卷楊樹達撰

漢書釋例一卷楊樹達撰

漢書所據史料考一卷楊樹達撰

三國新志七卷序一卷目錄一卷劉公任撰

三國志人名錄廿四卷序一卷凡例一卷總目錄一卷王念倫撰

三國志裴注引用書目一卷王念倫撰

家駱以撰「中華大辭典」取資於廿五史，深覺悉應重爲校補，始便於用，遂復有整理正史，刊爲廣編之願。卅餘年間，搜訪校史、注史、補史之作，所獲除合川張森楷「廿四史校勘記」稿三百卅七卷、「史記新校注」稿百卅卷（介紹文字見馬來亞大學「東方學報」第一期）等巨帙外，其餘已刊未刊各作，無慮三數百種。今行笈既不能盡具，整編又復需時，爰先將最有助於讀正史者若干種先爲印行。嵩燾以達學宏才見稱於清季，「史記札記」爲其使英時所撰，於校勘文字史實之異同，時有新解。樹達早年爲王先謙「漢書補注」撰「補正」，由商務印書館刊行，全書不足十萬言，晚年數易其稿，擴至七十萬言，更名「漢書窺管」；先謙撥輯諸家成書，考訂之精，心得之多，實不如樹達此作。「三國志」以志名書，實缺志未修，公任爲補世系、政治、經濟、學術、職官、軍備、地理七志，不囿於往史志體，故稱「新志」。又陳壽書文字簡潔，裴注博采詳搜，所補史實人物，數倍原著，世之爲「廿五史索引」者，惟就紀傳標目立條，祖彝「人名錄」，則於史文注文中所見四千餘人名，悉按筆劃編列，實爲一最完備之三國人名辭典也。

史記札記目錄

任序

卷一 本紀

卷二 表

卷三 書

卷四 世家

卷五上 列傳

卷五下 列傳

史記札記 目錄

清郭嵩燾撰

史記札記

六卷

目錄一卷

序一卷

世界書局

史記札記六卷目錄一卷序一卷清郭嵩燾撰

漢書窺管十卷目錄一卷自序一卷楊樹達撰

漢書釋例一卷楊樹達撰

漢書所據史料考一卷楊樹達撰

三國新志七卷序一卷目錄一卷劉公任撰

三國志人名錄廿四卷序一卷凡例一卷總目錄一卷王念倫撰

三國志裴注引用書目一卷王念倫撰

家駱以撰「中華大辭典」取資於廿五史，深覺悉應重爲校補，始便於用，遂復有整理正史，刊爲廣編之願。卅餘年間，搜訪校史、注史、補史之作，所獲除合川張森楷「廿四史校勘記」稿三百卅七卷、「史記新校注」稿百卅卷（介紹文字見馬來亞大學「東方學報」第一期）等巨帙外，其餘已刊未刊各作，無慮三數百種。今行笈既不能盡具，整編又復需時，爰先將最有助於讀正史者若干種先爲印行。嵩燾以達學宏才見稱於清季，「史記札記」爲其使英時所撰，於校勘文字史實之異同，時有新解。樹達早年爲王先謙「漢書補注」撰「補正」，由商務印書館刊行，全書不足十萬言，晚年數易其稿，擴至七十萬言，更名「漢書窺管」；先謙撥輯諸家成書，考訂之精，心得之多，實不如樹達此作。「三國志」以志名書，實缺志未修，公任爲補世系、政治、經濟、學術、職官、軍備、地理七志，不囿於往史志體，故稱「新志」。又陳壽書文字簡潔，裴注博采詳搜，所補史實人物，數倍原著，世之爲「廿五史索引」者，惟就紀傳標目立條，祖彝「人名錄」，則於史文注文中所見四千餘人名，悉按筆劃編列，實爲一最完備之三國人名辭典也。

史記札記目錄

任序

卷一 本紀

卷二 表

卷三 書

卷四 世家

卷五上 列傳

卷五下 列傳

任序

郭氏史記札記五卷，乃湘陰郭侍郎嵩廉使英時所作也。侍郎於光緒二年十二月二十四日自記云：『光緒二年九月有西洋之役，出都時遣家人購得史記，爲至倫敦資誦習，而不謂刻本譌舛至此，又別無善本可校，爲之痛心。』所云『譌舛至此』之本，卽是所稱陳臥子本也。三年二月初一又記云：『黎範齋刺史帶有汲古閣本，亦非舊本，而譌舛尙少，因取而校之，亦有足與此本互相證者，頗以爲快。』此所云『汲古本非舊本』者，卽金陵局本。四年四月復記於陳本末云：『予讀史記，始於光緒三年正月，訖於光緒四年四月，爲時十有六月，所據爲校本者，黎範齋所帶汲古本而已，無能有所校勘，而讀其文，推求當時事實，考知世變，因以辨正史公之得失，亦庶幾有一得之愚。』自余幼時，卽習聞鄉先生云，公於史記有評本，深以不得一覩爲恨。長從公仲子耘桂先生學古文詞，先生時引公之說以教學子，余得略聞大凡，而猶未及見其詳也。余自英倫歸五年，而耘桂先生卒，其家藏書，頗多散失。民國十七年以事偶晤耘桂先生長子繼癡世兄，出此書見示，雖簡牘不無凌亂，然筆墨如

新，尙可整理成書也。余德惠其亟付梓人，繼癡兄方以貧困未能有爲，因取全書囑爲比次出版；余略仿高郵王氏讀書雜志例，按史公書原次抄輯成卷，不數月而工畢。

侍郎生平著書未刊行者尙夥，以余所藏，則有韓文札記、性理精義札記、正學編札記三種，皆筆其意於簡端，與此書同例。而其家所藏日記，記述同、光間朝野事實，足備史家參攷。於子部則於管、莊二子外尙多所論撰，儻得好事而有力者爲之次第刊行，於整理國故，當不無小補也。

民國二十二年冬月鄉後學任凱南識於武漢大學

史記札記卷一

十二本紀

五帝本紀第一

以與炎帝戰於阪泉之野。

按史稱與炎帝戰於阪泉之野，阪泉在涿鹿，軒轅氏之都也。或烈山氏以軒轅之得諸侯來伐，黃帝禦而勝之；神農都陳又都曲阜，無由興師以伐炎帝，而反戰於其郊也。

而諸侯咸尊軒轅爲天子，代神農氏，是爲黃帝。

案少典爲古諸侯國，軒轅氏亦國君也。三代以前爲天子者，諸侯賓服，相與奉其正朔、車服、禮儀而已，其國固猶是也。所以相代而王者，由諸侯之歸之也。黃帝最有功處在伐蚩尤一事，蚩尤亦侯國也，以強制人，黃帝伐而勝之。烈山氏之衰而不得以臣服天下，由蚩尤之強也。此可據三代王者之蹟推知堯、舜以前，其道不能越此也。

順天、地之紀，幽、明之占，死、生之說，存、亡之難。時播百穀、草、木；淳

化鳥、獸、蟲、蛾；旁羅日、月、星辰；徐學遠測議曰：『按旁羅乃測天度之器，如今之日晷地羅也。』水波土、石、金、玉；勞勤心、力、耳、目；節用水、火、材物。

案『順天地之紀』四語，止是順時布化而已；『時播百穀草木』以下，所以爲功用也。又案『旁羅』，卽旁推順布之意。日、月、星辰之度；水波、土、石之質；金、玉之所由生，以成乎器用，至黃帝而始相萬物之宜以通天下之利。曰旁羅者，日、月、星辰、水波、土、石、金、玉，天地之懸而成象，流而形成，自然昭著森列；化而裁之，曲而成之，亦因乎天地自然之功用而已。史公於此著『旁羅』二字，可謂曲盡其妙，徐氏據以爲『測天度之器』，陋矣。

嫫祖爲黃帝正妃，生二子，其後皆有天下。其一曰玄囂，是爲青陽；青陽降居江水。其二曰昌意；降居若水。

案史公據世本爲言，五帝皆出黃帝，而玄囂、昌意實爲所自出之祖，故於黃帝本紀中先著明其枝派。

依鬼神目蚩義；治氣以教化；絜誠以祭祀。

正義曰：『鬼之靈者曰神也。鬼神，謂山川之神也，

龍興雲致雨潤養萬物，故已依焉之訓義也。蚩，古制字。』

案易曰「聖人以神道設教，而天下服矣」，鬼神之靈，昭著森列，因乎人心自然之感，而其精爽如或見焉。依鬼神以制義者，人心之誠敬之出於不能自己者也。據史公所紀，則祭祀之禮實始於顓頊氏，張氏謂鬼神山川之神，誤矣。又「嗣」字，張文虎校刊史記集解索隱正義札記云「各本作制」。『嗣』、『制』義絕不通，辨見王念孫讀書雜誌。

高辛生而神靈，自言其名。正義曰：「自言其名曰炎。」

札記云：『炎，索隱作「變」，初學記引世紀同，蓋形近譌爲「炎」。』

普施利物，不於其身。聽以知遠，明以察微。順天之義，知民之急。仁而威，惠而信；修身而天下服。取地之財而節用之；撫教萬民而利誨之；曆日、月而迎送之；明鬼、神而敬事之。其色郁郁；其德嶷嶷。其動也時；其服也土。

案史公贊稱「百家言黃帝，其文不雅馴」，五帝紀但叙其德而不詳其事，以事之著見於百家者，皆非雅馴者也。伏羲之蛇身人首，神農之人身牛首，皆其類也。楊升菴謂「五帝紀非史公極筆」，固也。然史公意在雅馴而已，太古荒遐，傳聞繆悠，史公於此爲有斷制。

帝摯立，不善，崩。

札記云：『索隱本無「崩」字。』案索隱及正義言摯禪位於唐，則崩字爲後人增。

帝堯者，放勳。

案堯、舜、禹皆名。上古質，所傳皆名也。四岳薦舜曰「虞舜」，瞽瞍以前皆爲諸侯，虞者國也，舜其名也。尙書於堯之命舜曰「格汝舜」，於舜之命禹曰「格汝禹」，與其所以命棄、契、皋陶者同也，其爲名無疑也。推而上之，若顓頊，若嚳，皆名也。放勳、重華、文命，史臣贊詞，史公據以爲名，諡法乃創爲堯、舜、禹之諡。禮記曰：「古者生無爵，死無諡。」所謂爵者，周禮「九命之數」是也，殷以前無有也。左傳言「周人以諱事神」，名終將諱之。因諱而重其名，諡法以興，堯、舜之時，安得有諡也？自史公以放勳、重華爲堯、舜之名，於是轉而以堯、舜爲諡，其誤甚矣。

其民夷易，鳥獸毛毳。

集解曰：「孔安國曰：『毛更生曰毳理。』」

案金陵本正義作「毛更生曰整理」，與書傳合。札記云：「『日』字衍。」授舜則天下得其利而丹朱病；授丹朱則天下病而丹朱得其利。堯曰：「終不日天下之病而利一人！」而卒授舜曰天下。

案堯、舜二帝紀全用尙書文。堯本紀篇尾引孟子語以結之，而於其中著此數語以生趣；此亦史公好奇處，堯、舜之代禪，正不必有此計較。

舜，冀州之人也。舜耕歷山，漁雷澤，陶河濱，作什器於壽丘，就時於負夏。

案孟子『舜生於諸馮』，而據以爲『東夷之人』，諸子傳疑，乃有『耕歷山，漁雷澤，陶河濱』之言，皆在今山東境。其實孟子之言東夷，但謂大河以東，而其地名無可考矣。尙書明言『虞舜』，是虞之爲國也久矣，舜之所生也。其後堯降二女於鴻汭，亦於舜所生之地，而據其水以爲言也，安得如諸子所言並耕、漁、陶而歷試之耶？孟子亦曰自耕稼陶漁以至爲帝，則自周、秦以前其流傳也久矣。

兄弟孝慈，

志疑云：『四字與上下文不接，疑衍。』

舜耕歷山，歷山之人皆讓畔；漁雷澤，雷澤之人皆讓居；陶河濱，河濱器皆不苦窳。

案舜紀兼採周、秦諸子，遂叙耕歷山、漁雷澤、陶河濱於娶二女之後。是時堯已舉舜而用之矣，安得復使之耕且漁且陶也？史公於此所叙最爲不倫。

堯乃知舜之足授天下。堯老，使舜攝行天子政，巡狩。舜得舉用事二十年，而堯使攝政；攝政八年而堯崩。

案此所叙與堯本紀略同，而各有意境，正自兩不相妨。

而禹、皋陶、契、后稷、伯夷、夔、龍、垂、益、彭祖，

案尚書無命彭祖之文，大戴記五帝德但言堯舉舜、彭祖，而無舜用彭祖之文。注以爲「商賢大夫」，而世傳彭祖八百歲；或謂彭祖卽老聃，小戴記有孔子問老聃之文，則下及衰周之世矣。史公於禹、皋陶、契、后稷、伯夷、夔、龍、垂、益之次增入彭祖，是亦好奇之過。

皋陶爲大理，平，民各伏得其實。伯夷主禮，上，下咸讓。垂主工師，百工致功。益主虞，山、澤辟。弃主稷，百穀時茂。契主司徒，百姓親和。龍主賓客，遠人至。十二牧行而九州莫敢辟違。唯禹之功唯大：披九山；通九澤；決九河；定九州。

案前叙命官皆尙書文，而此總結之則史公文也。昌黎叙事文，每先叙後束，章法多本此。
東：長、鳥夷。

案「鳥夷」，卽禹貢之云「鳥夷」。

舜年二十，呂孝聞。年三十，堯舉之。